

北京圖書館 編

北京圖書館藏珍本
年譜
叢刊

第 191 冊

北京圖書館出版社

□ 北京圖書館 編

北京圖書館藏珍本
年譜叢刊

北京圖書館出版社

第 191 冊



第一九一冊目錄

抑齋自述七種之七・病中歲月丙編	一
抑齋自述七種之七・病中歲月丁編	二一五
抑齋自述七種之七・病中歲月戊編	四二一
王筱汀先生年譜	五七三
唾菴年譜	六九一
自述錄	七二九

病中歲月丙編

抑齋自述之七

中華民國二十三年甲戌六十九歲

一月元日看江慎修禮書綱目 看戴帥初表元剡源文集四

部叢刊

看耆獻類徵 看唐詩類苑 看潘對鳧作新末議

看柏硯山房集 看性理大全

二日昨夜夢驚悸醫者以為膽熱然總是學問不到家養不住

氣訪汪堯民診脈改方 看陸象山先生集四部叢刊 看續說

鄒孟熙霏雪錄 陽明先生征藩功次 念臺先生保民訓要 看續河南

通志 看宋學士濂集金華叢書

三日仍服昨藥 看陸桴亭先生思辨錄輯要正誼堂本桴亭講

朱子之學集中每舉象山陽明兩先生長處無門戶之見孝先亦不刪也 看四書本義匯參論語 看先少白師讀翼廣義

看續說郭黃標平夏錄 丘濬平定交南錄

四日看洪北江十六國疆域志 看續說郭王紳滇南痛哭記紳父

禕爲明太祖使雲南招降元梁王被殺紳尋父尸不得作此記亦孝子之窮也

五日内子週年忌日爲文奠之不敢哭心氣鬱塞 看趙甌北

陔餘叢考 看陳伯玉振孫直齋書錄解題聚珍版 看俞曲

園賓萌外集 看劉子政說苑四部叢刊

六日看唐基法師阿彌陀經疏頗類孔穎達義疏體 看玉海

看王船山四書訓義孟子 看河南教育月刊 看唐荆川

順之文集四部叢刊

七日至十六日邀汪堯民兩次改方 看朱少章弁曲洧舊聞
知不足齋本 看續河南通志 看金華經籍志 看全唐詩

看續說郛楊慎渙載記 薛俊日本寄語 倪謙朝鮮紀事 陳侃琉球使略

蘇祐雲中事記 劉仲璟遇恩錄 彭時彭公筆記 徐禎卿翦勝野聞 姚

燧西林日記 鄭曉今言 看姚少監合詩集四部叢刊 看歷代賦

彙 看冊府元龜 看先少白師致用精舍講語 看俞曲園

賓萌外集 看揚子雲法言四部叢刊 看魏環溪寒松堂詩集

幾輔叢書

看亡友李嗣香士鈐周易注 看洪北江遣戍伊犁

日記清之官但能不死最重者遣戍伊犁交將軍管束沿途地

方官亦極力照應饋饁達者儘可作壯遊觀此為前代罪臣所萬不敢望者北江口口感戴聖恩固是照例應有之言然亦非盡無故也 又天山客話 看王輔嗣周易略例 看梅伯言先生柏枧山房文集 看俞曲園春在堂詩集 看王船山先生四書稗疏四書考異附刊於四書訓義後者

十七日看太虛法師講唐玄奘法師譯能斷金剛經與鳩摩羅什譯本多不同人有謂過鳩譯者余以為不如鳩譯之易解 看洪北江外家紀聞 看童貞白所鈔柴孝廉明史雜詠用典如已出的是妙才唯語多豁刻自具隻眼者少非福澤相也題數語歸之 看續說郭王世貞觚不觚錄 看王符潛夫論四部

叢刊

十八日至二十一日看河南教育廳中小學畢業會考委員報告專號李季和送 看俞曲園春在堂雜文 看續說郛陸深金

臺紀聞 玉堂漫筆

看李義山詩集四部叢刊與從前所閱朱鶴齡

注義山集次序不同卷數亦不同朱注有何義門朱竹垞紀曉嵐三色筆批祇三卷此則六卷又文集五卷且朱本有年譜此無之注云涵芬樓借傅氏雙鑑樓明嘉靖刊本叢刊從而景印想朱氏未之見耶 看清武英殿聚珍版程式修書處金簡所創也 看金剛經能斷金剛經合刊

二十二日至二十四日訪汪堯民診脈改方 看陸象山先生

集象山六經注我我注六經與金剛經所謂如來於然鐙佛實
未受一法如來度衆生實未度一衆生其旨最相近然世以象
山為禪象山實開禪若謂實禪而改頭換面吾想佛不打誑語
象山亦不打誑語直是微妙處東西南北海聖人此心此理同
耳 看玉海 看劉靜修先生因集四部叢刊與畿輔叢書所刊
不同彼十二卷此二十二卷仍不若彼之完備且此本無序但
標涵芬樓据元宗文堂琴本景印 袁心武來談 看俞曲園
春在堂雜文續編 看續說郛王世貞皇朝盛事 黃瑜雙槐歲抄 崔
銑後渠雜識

二十五日 先慈大人忌辰移請 畫像於居室正中行禮以

期服已過不忍再廢祭兒輩隨行禮亦聽之 看李肩吾從周
字通知不足齋叢書 看衛敬仲宏漢官舊儀聚珍版 看韓敬

菴先生止敬遺書同年合卿嘉會之尊人近日郵示者先生遵
洛閩之學樸實敦篤孚於鄉里集中文詩不多每能獨見其大
不作浮豔讀之生人敬仰 看續說郭李賢古稂雜錄

二十六日袁雲臺來談 看續說郭王鏊震澤紀聞 約童貞白
來談

二十七日至三十日做兒赴汴 訪堯民改方 看晉陸翹鄴
中記聚珍版多記石勒石虎奢侈事後又有高歡高洋事陸錫
熊等提要以為有唐以前人附益之者 看續說郭陸容菽園叢

記 仲自北平來 擬遣族孫請 祖考神牌來津祭告文

三十一日大雪放兒自汴來函復之

二月一日二日仲回北平 看續說郭伍餘福羊野纂聞 關莊駒陰

冗記 看先少白師讀易辨異

三日四日看丁仲祐福保六祖壇經箋注此經方是禪學其不思善不思惡與陸王之學絕相近所說神話亦較少蓋以心為佛以心為淨土純從金剛經得來 看俞曲園春在堂詩編

看續說郭沈周客座新聞 看張武承烈王學質疑正誼堂本王學

誠有近禪處但理在事上窮而窮之之心非由外鑠也陸王之快處鈍根人執之誠不免有誤然必謂聖賢無此一境竊終以

為不可至歸過於明末風俗之壞純由陽明陽明中進士之年
孔廟災建陽書坊焚則訟棍文致之筆矣試為下一轉語如秦
檜嚴嵩之中進士當應以何災異耶 看續說郭祝允明枝山前
聞 闕名尊俎餘功 又漱石閒談 高德基平江記事

五日訪汪堯民診脈改方 看李嗣香周易注第講六十四卦
不注十翼亦程傳例也於王注程傳朱本義外實能獨立成一
格局積書多析理精詞亦簡練明白洵佳構也 看荀悅申鑒
四部叢刊 族孫世傑回里葬其祖母來告行適所印河朔前塵
成囑帶二十本送人 李薌珊來談

六日看杜季陽館雲林石譜知不足齋叢書 看新付排印之河

朔前塵仍不免訛字甚矣校對之難 看劉恂嶺表錄異聚珍版

七日至十三日詢孫同學友李世琛魯濱王敦若仙張守先司徒光王端驄來見各贈以余日記兩本 校正再鈔先少白師讀易辨異 看地藏十輪經懺法一冊介然壻爲其岳母超薦冥福之作 看劉靜修詩集 看段少卿成式酉陽雜俎四部叢刊

看俞曲園春在堂雜文 看姚牧菴燧集四部叢刊 看崔東壁述考信錄提要叢輔叢書上下千古有昂頭天外之概 看續說

郭黎澄南翁夢錄所述皆安南陳氏懿行及其文武臣士之幹用 湯沐公餘日

錄 都印三餘贅筆

程文憲中洲野錄

劉昌懸筭瑣探

楊循吉蘇談

看劉孔才邵人物志四部叢刊邵邯鄲人東漢末為計吏入魏仕
至尚書郎散騎侍郎都官考課 看玄奘八識規矩頌普泰補注

明昱證義

看王靖毅公年譜靖毅名懿德字紹亭河南祥符人
其玄孫端驄與詢孫同學前日來見余贈以日記兩本因問及
靖毅公翊日以此書還贈 看大乘理趣六波羅密多經懺法

介然壻編

看孫可之樵集四部叢刊

看黃晉卿文集四部叢刊此

為危素編定之日損齋初稿原寫刻本景印太小殊非老眼所
宜不如金華叢書所刻也 看陸稼書讀禮志疑正誼堂本 看

宋學士集補遺金華叢書

看徐偉長幹中論

看陳簡齋於義

詩集胡仲孺科增廣箋注

看魏環溪年譜幾輔叢書環溪自是學者

而屢說夢見孔子且夢關帝說一貫未免好奇要亦作譜者陋
看王伯厚應麟詩考 看吳自牧夢梁錄知不足齋叢書載宋
盛時上下恬熙之狀於南宋之奢麗蕩佚尤多記載取黃梁夢
義較周公謹武林舊事尤痛 舊曆除夕於 先慈畫像前辭
歲諸孫男女曾孫男女及孫壻等均搞以壓歲錢惟不令兩兒
夫婦跪拜俾守其哀中之節

十四日即甲戌正月初一日六鐘下牀督僮僕設供中院望西
南遙拜 祖先再於中庭 先慈畫像前行禮仍不許兒及兒
婦拜年斌姪夫婦及諸孫男女曾孫男女拜年受之 看續說

郭楊循吉吳中故語

陸燦庚己編

李薌珊郭靖洲小洲王樹人次

第來見

十五日至十八日看續說郛郎瑛續已編 蔣一葵長安客話 馮夢

禎快雪堂漫錄 文翔鳳雲夢蘇溪談 胡儼胡氏雜說 劉定之劉氏雜志

汪堯民來談亦為拜年也 看崔東壁述上古考信錄 畿輔叢

書 看歷代賦彙外集附逸句 看程俱麟臺故事聚珍版紀宋

之崇文院為文臣極崇貴之職行秘書監最高職錢四十二貫
下至秘書郎著作佐郎等少至十四貫又有餐錢高者十五貫
下者至九貫四時賜衣亦有等差米麥高者月各支七石五斗
少者支錢三百文麥折錢二百文當日錢價之貴可見 看文
中子中說畿輔叢書世以文中子中說模仿論語因而加以詆譏

其實門人所記仿論語體耳未必即文中子儼然以孔子自居也至謂房杜魏李之列門牆是福峙輩之攀援顯位亦不敢信吾師王少白先生為毛文達祖熙受業師文達書中亦無一言且於少白師從未有一字保薦然則今日謂毛文達為少白師弟子亦攀援貴人乎隔數十年後隔數十里地傳聞即異詞況百年千年乎儒者勿易其言也 看佛學救劫編潘鳧老送 看顏之推顏氏家訓四部叢刊

十九日至二十三日擬祝朱燮辰母梅太夫人聯 家聲溯柏
視以來世仰宣文資化雨 教澤衍紫陽之緒年齊睿聖永春
暉 朱母梅伯言先生猶女年九十 看王靖毅公國史列傳